

遼寧府縣志輯

民國安東縣志
康熙錦州府志
康熙錦縣志
民國錦縣志略

中國地方志集成

遼寧府縣志輯 ①6

民國安東縣志

康熙錦州府志

康熙錦縣志

民國錦縣志略

安東縣志序

縣志之作始於宋嘉定中永嘉蔡範甫撰黃巖志十六卷歷陽李瞻撰旌川志八卷顧僅存其目而書帙無傳宋敏求撰東京記三卷晁公武盛稱其搜採精博自是以降踵起者多體例亦愈求備如武功介休二志爲近世名作然詳略之間去取之際識者持論已不盡同矧以吾國幅員之廣今昔形勢之殊已有者或缺於修訂未有者尤難於創始蓋茲事之難爲久矣安東位於奉省東陲設治較晚近以強鄰逼處商埠建置情勢日有變遷文化亦復增進惟縣志久付缺如民國乙丑關君又安宰斯邑始以修志之舉謀諸邑人乃分延儒宿著手編輯未幾關君他調繼之者姜君敬齋越年丙寅姜君去任繼之者俞君偉忱數月俞君又去任適承其

安東縣志

卷一 序

安東縣志印刷部代印

乏今歲十月亦奉檄來省代之者則王君寄青也閱二月縣志屬稿既成將付錄似此數年之中有司屢易其人願猶得廣續以底於成誠以治方文獻之考徵與夫施治者因革損益之資所繫甚鉅抑亦庶幾乎古人舊政必告同寅協恭之義也第此志之作關姜俞三君爲之始王君董其成何力之有若夫邑之士大夫搜求考訂孜孜焉不憚厥勞以斬至於詳略之當去取之宜尤可欽敬今而後邑之庶事日修人才蔚起將爲國內有聞之鉅邑則之曩曾與於此志之役者亦至有榮幸矣用誌數言以爲之券焉

中華民國十六年十二月遼陽王瑞之

叙言

安邑處東陲極邊設治最晚地寬而僻土著寥寥居民半由蒙魯賈遷僑寓爲訪故家舊族流風遺澤寂焉無徵文獻之不足也審矣自經開闢而守土之吏一迫於內政再困於外交果欲旁搜遠紹斤斤於文字之末以補史闕勢亦有所未遑故數十年來土壤之異質寒燠之異候高山大川之異形飲食言動之異習查詢所及茫然失據亦憾事也民七戊午邑令陳君藝始倡議修志遴員采訪從事纂編功未半遽遷他職去繼歷數任而未竟事洎丁卯王君杼來宰斯邦知邑乘之有闕令典也敦促晉行以斷有成介公於己巳之春奉檄承乏而全書已脫藁矣邦人士謀將付梓資書以問序介公紬於文又未嘗躬於其事也復奚言顧以謂邑之有乘

安東縣志

卷一 叙言

一

安東縣志印刷部代印

即爲國史之濫觴一事一物備采輶軒胥於是乎在安邑雖偏隅而李唐貞觀間有事東裔兵抵鴨江實爲四戰之區其遺跡當猶有存者逮遼清之季國防震弛門戶棟通東鄰經營鐵道高勾驪直達遼陽而安東適當要害則又一變而爲重鎮按版圖而審形勢其攸關於歷史者綦鉅揭示來茲詎可忽哉然安東在設治以前閱千百年率以荒服視之地方隸屬統系不明即借鑒於盛京通志亦言之概括艱於參考他若逸老之流傳別集之記載復泯然而無所得惟是俛仰今古相與於滲沱之間豈易易耶乃諸君子接續蒐輯以掣求損益之愜當疑者以闕信者以存或略於古或詳於今蓋亦幾費躊躇矣凡事因者較易而創者倍難此其所以謂創歟諸君子既歷其難而罅漏補苴儻亦有未經之程序乎則以俟後

之君子
中華民國十九年十一月
皖涇王介公

安東縣志

卷一 叙言

三

安東縣志鉛印部代印

序言

志書者一邑之信史也大而疆域山川戶口田賦以逮種種政治之沿革人事之廢興小而鳥獸草木蟲魚與夫一名一物之微千百年後莫不由是焉以取證然而作志有數難焉蒐羅未富則失之疏採訪未周則失之漏選擇未精則失之濫考徵未確則失之虛況凡事莫難於創始而志書之草創尤難乎其難焉安東地處東陲為奉省東南門戶清光緒前視為甌脫者數百年自光緒丙子設治迄今五十餘載文化增進實業繁興幾為東邊各邑之冠惟志書闕如無以信今而傳後誠為遺憾民國乙丑關義安大令倡議編修縣志委教育所長張君國銓為承修聘東邊林科高級中學國文教授張君來堂為編修于君子仞為編修專任既而張君來

安東縣志

卷一 序言

四

安東縣志鉛印部代印

堂辭職旋里于君子仞獨任調查編輯之責寒暑再易始經脫稿而張君國銓復升任莊河知事而去所長遺職委承其乏適縣監督王公寄青奉省令調取縣志為編修省志之權輿適與邑紳及縣道各教育會長並一二小學教員取所編修志稿詳加校閱稍為修飾遂付贍錄編訂成冊共計八卷雖於省令標準未免稍有增減然蒐羅富而採訪周選擇精而考徵確一洗疏漏濫虛之弊洵可為一邑之信史矣校閱既竟爰書數語以為弁

安東縣教育公所所長 蓋誠曾

序

安東處奉省東南爲國界之極邊清光緒前視爲甌脫者數百年人民禁其出入榛莽任其荒穢雖有山川土田亦祇爲草木之叢鹿豕之場而已然以襟江表海咽喉東陲土脈膏腴交通便利自光緒元年奏准開墾二年設治迄今五十餘年荒僻之區一變而爲文明之域實業繁昌文化增進幾與東邊各縣而上之惟地方歷史向鮮紀載欲以考其疆之形勢及其政治人事之沿革廢興而志乘闕如文獻不足徵也久矣雖民國以來程守初林渭江兩縣令嘗先後從事於縣志之編輯一則甫經採訪而離任一則纂錄數載而未成蓋創始若斯之難也民國十四年春關義安大令以蒞任將及三載治具畢張百廢俱舉凡所以利地方而厚民生者無

安東縣志

卷一 序

五

安東縣志編輯印代印

不規模悉具惟縣志向無成書無以備瀏覽而質考鏡銳意倡修縣志之議招集地方士紳議決以縣署之閒房爲編輯處縣知事任督修教育所長張君國銓爲承修東邊林科高級中國國文教授張君來堂爲編修縣屬警甲農學等機關及各區區官區長區保長任調查而以爲編修專任。自惟技恥雕蟲學慚窺豹濫竽小學講席者有年學殖荒落綆短汲深時虞隕越焉敢率爾操觚專任一邑之著作辭謝再三未邀允許乃勉爲其難從事諸君子之後詎意甫經著手關公以超遷去職繼以奉直交綏徵車徵夫急於星火各區調查之事遂置爲緩圖而張君來堂亦辭職旋里。雖劇目鉅心匪勉從事而取材無所就正無人報竣之期不得不遷延矣既而戰事和緩調查之稿陸續呈送惟簡略過甚應行記載之事

所缺實多迺廣詢博訪徵文考獻調查編輯之責遂以一身任之十五年

秋行將脫稿省署忽有規定體例作爲編修標準之令計大綱有九細目五十有六遂遵令重行編輯遷延數月始克告成雖於規定細目不免稍有出入亦以事實之有無採訪之詳略爲斷非敢故爲增減也昔彥有言非有才學識三長不能作史志雖不同乎史而作志之難無異於史。以末學陋識謬荷邑紳之薦引關公之敦聘雖殫精竭慮搜集掌故延訪紳耆而秉筆纂修未能折衷至當疏漏蕪謬之譏知所不免然猶有可以自解者曰此其草創焉耳若夫討論修飾潤色以俟博雅君子

中華民國十六年五月萊陽于雲峰識

安東縣志

卷一 序

六

安東縣志編輯印代印

安東縣志例言

一編輯例目悉依省令彙準雖稍有增減亦以事實之有無爲憑非敢故爲出入

一境內區畫有警察區及區村制區之別志中凡言第幾區者在區村制未成立前則指警察六區或四區言之區村制既成以後概指區村制區而言間有叙及警察者必特爲標明以清眉目

一志內插入之街市及全境各圖除縣治及東坎子大東溝爲商埠區經警察廳實地測繪外全境均未測量僅就各區來稿照繪謬誤之處知所不免尙希閱者見諒

一安東縣爲東邊道首邑與他縣所處地位不同縣署出治之所卽道

安東縣志

卷一 例言

安東縣志印刷部代印

署出治之所茲編雖係縣志而道署及其他警廳海關各署局會所並皆列入藉存沿革其政與事則不及焉一免繁素而符體例

一縣圖中凡疆界山脈河流各區分畫學校鐵路道路電線等皆以符號標明以便觀覽

一古蹟引證各書自盛京通志盛京典籍備考方輿紀要唐書金史清朝全史外並採公牘輿論以昭核實

一財政關係民生休戚政事繁簡故備詳沿革不厭其煩

一官廳昔有今無者如典史巡檢各署不敢輒創但詳其地址所在述其興廢之因以志滄桑之感

一人物志中列女傳分貞烈節孝賢淑各門凡已經旌表褒揚併有實

蹟可傳者皆詳悉記載

一人物志其行誼或錄自公牘或採諸口碑皆信而有徵有爲各區所調查及邑人所探送者其原文下必注明某區或某人所採以昭公道

一物產名稱雅俗各殊茲編先標學名於上別名俗名分志於下其有學名未詳者姑標俗名以俟博雅補正

一藝文一編類皆雜採各家傳誌序記箴銘詩歌等分類編輯以著一邑文學之盛安東地居邊徼設治較晚絃歌之化未久著作之物無多不須另列藝文一門共有記事吟詠碑文詩歌謹仿范成大吳都志南宋方輿勝覽例以詩文散附各條之下以徵故實明王文恪姑

安東縣志

卷一 例言

安東縣志印刷部代印

蘇志清欽定皇輿全覽日下舊聞考皆用其例今從之間有一二著述即於人物傳中書曰著有某某等書

一安東設治未久舊無志書此編係出草創疏略罅漏之譏知所之免尙待高明補正

安東縣志總目錄

卷首

序

例言

目錄

攝影

卷一

疆域

位置

幅員

邊界

區畫

山川

陂塘

縣治

商埠

江堤

市場

日本鐵道用地及民團居留地

海岸

港灣

潮汐

安東縣志

卷一 總目錄

一

安東生業調查部代印

溫泉

土質

古蹟

古蹟類

古蹟類

名勝

要塞

道路

航路

橋梁

津渡

鐵路

卷二

物產

家禽

山禽

水禽

鷺禽

家畜

野獸

鱗介

昆蟲

麥類

穀類

菽類

蔬類

菌類

瓜類

果類

花類

草類

木類

藥物

礦物

製造物

氣候

卷三

政治

沿革

本縣建置緣起

官廳

會所

教育

教育公所

縣視學

卷四

教育會

義學

學校

附外國設

社會教育

圖書館

報社

學田

警察

保甲

區村

財政

附國家稅

地方稅

會費

貨幣

附捐

海關

卷五

選舉

附自治

司法

兵事

邊防

鹽務

電報

電話

郵務

水利

卷六

人事

民族

戶口

農業

工業

商業

附度量衡表

鹽業

礦業

蠶業

安東縣志

卷一 總目錄

二

安東生業調查部代印

漁業

林業

附苗圃

鹽業

卷七

宗教

附佛教

附道教

附喇嘛

附回教

附天主教

附耶穌教

附附屬

附附屬

卷八

人物

附名臣

附名將

附名儒

附名媛

附名士

附名流

附名子

附名女

善舉

附義舉

附義舉

附義舉

附義舉

附義舉

附義舉

附義舉

附義舉

編修者姓名

附修者

附修者

附修者

附修者

附修者

附修者

附修者


附修者



安東縣縣長王介公




峰雲于輯編




中華民國全國圖

比例尺
1:200,000
0 100 200 300 400 500 600 700 800 900 1000 1100 1200 1300 1400 1500 1600 1700 1800 1900 2000 2100 2200 2300 2400 2500 2600 2700 2800 2900 3000 3100 3200 3300 3400 3500 3600 3700 3800 3900 4000 4100 4200 4300 4400 4500 4600 4700 4800 4900 5000 5100 5200 5300 5400 5500 5600 5700 5800 5900 6000 6100 6200 6300 6400 6500 6600 6700 6800 6900 7000 7100 7200 7300 7400 7500 7600 7700 7800 7900 8000 8100 8200 8300 8400 8500 8600 8700 8800 8900 9000 9100 9200 9300 9400 9500 9600 9700 9800 9900 10000

圖例
長城
已成鐵路
未成鐵路
省界
沙漠
河泊
山脈
河流



1931.



794



電話綫	電報綫	橋梁	里道	鄉道	縣道	鎮路	河溪	山脈	學校	分駐所	公安分局	屯戍小村	主村	區公所	縣城	村界	區界	市界	縣界
-----	-----	----	----	----	----	----	----	----	----	-----	------	------	----	-----	----	----	----	----	----

安東縣志卷一目錄

疆域

位置 附幅員 邊界 區畫 山川 陂塘 縣治 商埠 江堤

市場 日本鐵道用地及民團居留地 海岸 港灣 潮汐

溫泉 土質 古蹟 古蹟類 古蹟類 古蹟類 名勝 要塞 道路 航路 橋梁

津渡 鐵路

安東縣志

卷一 目錄

安東縣志編輯部代印

安東縣志卷一

疆域志

位置

本縣在奉天省東南隅距省會六百里距北京二千一百里其方位在北緯四十度七分東經八度十九分二十秒東極東經八度二十一分三十秒西極東經七度五十八分西南極北緯三十九度四十二分東北極北緯四十度十九分

幅員

縣境縱六十五里橫七十五里東北至西南斜距一百七十里西北至東南斜距九十三里周三百六十里面積七千五百餘方里

安東縣志

卷一 地理

安東縣志編輯部代印

邊界

縣境天然界限東南瀕江西南臨海西倚柳邊北枕饒河東至鴨綠江五里與朝鮮界西至邊岡七十里與鳳城界南至鴨綠江三里與朝鮮界北至饒河五十里與寬甸界東南至鴨綠江三里與朝鮮界西北至邊門口七十五里與鳳城界東北至興凱嶺五十五里與寬甸界西南至黃海一百二十里

區劃

前清光緒間縣境區劃最初為六十四牌繼為四十八牌曰珍珠泡九連城栗子園紅石礮石頭城大樓房梨樹溝蛤蟆塘劈柴溝老古洞金山灣荒灣子荒溝烏景飛轉水湖龍泉溝湯山城榆樹林高力橋邊門口余屯

口後大東溝後小東溝小油盤溝赤榆頂三接台山城子長泡子鯽魚箆大黑山前陽山石橋岡棋盤山八科樹七股頂新溝崖小寺黃柏樹太平溝白菜地湯池子佛爺嶺萌芽山銅礦嶺掛網溝安民山五道溝六道溝合縣治沙河鎮共四十九牌各設鄉約保正一司地方小區之行政光緒三十二年初開商埠設警察劃縣治及大東溝為商埠警察區同時設鄉鎮巡警總局於沙河鎮劃全境為六區北路三區曰九連城劈柴溝^{後道老}湯山城南路三區曰河深溝^{後道老}長泡子棋盤山是為鄉鎮警察區而各牌鄉保猶存迨宣統元年知縣陳藝下車伊始即裁鄉保撤會房另舉正紳按警察六區每區公舉鄉董一人每牌公舉議員一人區設自治公所為鄉董議員辦公處名假定自治實為自治之基礎及宣統二年自治開

安東縣志

卷一 地理

一一 安東縣志印代印

辦劃全境為七區曰城廂太平鎮第一鄉第二鄉第三鄉第四鄉第五鄉是為自治區同時興辦學校創設保甲皆準自治區民國二年改商埠警察局為警察廳劃商埠為二區各設警察署一永安後街為第一警察署自新街為第二警察署大東溝改為第三警察署民國三年自治停辦學區警甲區仍準警區民國七年十一月開拓商埠界至東坎子添設第三警察署於該處而大東溝因改為第四警察署民國九年一月縣知事林遵令裁併鄉鎮警察六區為四區第一區除舊一區原有八保地面外再分舊二區之蛤蟆塘劈柴溝青梅園三保均歸管轄添設分駐所一處於蛤蟆塘第二區除舊三區原有十保地面外再分舊二區之老古洞金山灣烏景飛荒灣子荒溝等五保暨舊五區之三接台一保均歸管轄添設

分駐所一處於老古洞第三區除舊四區原有十保地面外再分舊五區之佛爺嶺白菜地大河崖三保均歸管轄添設分駐所二處於佛爺嶺六道溝第四區除舊六區原有十保地面外再分舊五區之長泡子赤榆頂三官廟三保均歸管轄添設分駐所一處於長泡子民國十二年三月區村制實行除商埠地面外復劃全境為八區而警察保甲區如故十五年七月奉警務處通令警甲改組警察化整為散縣知事命將鄉鎮警察劃分五區添設分駐所二十四處將三區管界中興村濱江村大房村石嶺村改為第五區設二等區官一員駐中興村茲將商埠警察廳所轄各署所分駐地域暨鄉鎮警察所轄各區所分駐地域並管轄村屯數目分志如左

安東縣志

卷一 地理

三 安東縣志印代印

安東警察廳轄署四分署五 駐迎風街

第一區警察署 駐永安後街 設分駐所六

第一署一分署 駐興隆街六道口 轄永安街^{駐江} 新安街^{駐五}

海關前^{駐海關} 三分所

第一署二分署 駐興東街興東橋 轄中富街^{駐後街} 糧市街^{駐東}

大沙河^{駐東} 三分所

第二區警察署 駐自新街 設分駐所八

第二署一分署 駐天后宮街 轄通濟街^{駐後街} 青龍街^{駐沙河} 九道溝^{駐西}

八道溝^{駐東} 四分所

第二署二分署 駐于家溝口 轄縣前街^{駐東} 七道溝^{駐西} 廣濟

街西側新民街^{註于家}四分所

第三區警察署 駐鎮安路 設分駐所三

第三署一分署 駐臨江路 轄中經路^{駐肥料公司側}珍珠泡^{駐安橋門外}鎮安橋

^{駐西}三分所

第四區警察署 駐大東溝重興街 分署分駐所無

以上各署共設分駐所十七處

鄉鎮警察所轄分區五村屯七十

第一區 駐九連城 設分駐所六 管屬村屯十一

區內管境 九連城村 樓房村 石城村

武營村分駐所管境 武營村 青梅村 聚財村

安東縣志

卷一 地理

四

安東縣志續印部代印

梨樹村分駐所管境 梨樹村

太平村分駐所管境 太平村

紅石村分駐所管境 紅石村

虎山村分駐所管境 虎山村

饒河村分駐所管境 饒河村

第二區 駐湯山城 設分駐所五 管屬村屯十三

區內管境 湯山城村 龍橋村 榆林村 高橋村

老古村分駐所管境 老古村 小金山村

大金山村分駐所管境 大金山村 烏金村

三級村分駐所管境 三級村

邊門村分駐所管境 邊門村 東安村

五龍村分駐所管境 五龍村 太湖村

第三區 駐銅礦村設分駐所五 管屬村屯十九

區內管境 銅礦村 大林村 板橋村 娘娘城村 安民村

大灣村

接梨樹村分駐所管境 接梨樹村 湯池村

柳林村分駐所管境 柳林村 中流村 挂網村

山城村分駐所管境 山城村 石黛村 楸樹村

佛嶺村分駐所管境 佛嶺村 板石村 山谷村

大河村分駐所管境 大河村 萬寶村

安東縣志

卷一 地理

五

安東縣志續印部代印

第四區 駐棋盤山 設分駐所六 管屬村屯二十二

區內管境 棋盤山村 七股頂村 宣城村

八科樹村分駐所管境 八科樹村 日新村

新溝村分駐所管境 新溝東村 新溝西村 葦塘村

前陽山村分駐所管境 前陽山村 黃柏樹村 麻子村 石橋村

石門村分駐所管境 石門村 黑山村 龍源村 龍川村

大通村分駐所管境 大通村 盤石村 赤榆村

富家村分駐所管境 富家村 漁台村

第五區 駐中興村 設分駐所一 管屬村屯四

區內管境 中興村 濱江村

五道溝分駐所管境 石嶺村 大房村

以上鄉鎮警察各區共設分駐所二十三今廿縣分駐所共二十四管屬村屯共六十

山川

山脈

境內山脈屬於長白山系共分三支一在饒河北岸來自寬甸自北塘入境經老邊牆上嶺路栗子園茂氣頂折而南至虎山村而止突起為虎耳山一支由鳳城之鳳凰山發脈東行至松樹嶺入安東境迤東為太平山又東南峯巒矗望之若旌旗若棨戟橫互數十里是為頂旗山高大為邑中諸山冠迤東青溝樓房諸山皆其支脈也一支來自鳳城乾紫嶺由

安東縣志

卷一 地理

六

安東縣志印部代印

東楊木溝入境為馬道嶺至三級村分二支一支東行經油盤溝太湖村裏突起為黑溝迤帶山脈東經營臺子金山村聚財村至盤道嶺東折突起為元寶山安東縣治當其前由盤道嶺而南折綿互於縣治西南者為鎮江山又西南起為帽盔山而自黑溝南行至山谷村起為大孤頂山南行爲銅礦嶺及安民山諸山脈一支由三級村西南行爲啓鳳山洞天山七區公所在焉東南為南洞天山又分二支其一支東折爲赤榆頂又東歧入六區楸樹村為山城子山脈南歧為脈起山小映壁山至團山而止其一支南行至黑山村起為大黑山又西南行爲啓明岡安鳳自然界限長岡起伏行六七里至龍川龍源二村起為龍泉山南行爲小棋盤山再南為大棋盤山鄉鎮四區警察在焉西南為七股頂長尾岡止於小寺山

此邑中諸山大勢也

蓮花盆山 在縣治東北六十里紅石村孤峯秀拔形似蓮盆亦奇觀也

茂氣頂 在縣治東北三十五里栗子村今時鄉巍然高聳听夕之時佳氣

繚繞其上頗有鬱鬱蔥蔥之觀

虎耳山 在縣治東北三十里突兀江畔雙峯矗峙恰如伏虎故名鴨綠

江支流經其南饒河支流經其西至山前合流入鴨綠江清光緒甲午中

日之戰總兵馬金叙為先鋒率親兵數營與日人鏖戰於此

一面山 在縣治西北八十五里峰巒突起怪石嵯峨東西橫列有如屏

障

太平山 在縣治西北七十五里山勢巍峩石壁峭立與佛爺山對峙饒

安東縣志

卷一 地理

七

安東縣志印部代印

河環繞西北安奉以此分界

太平嶺 在縣西北六十里山嶺崎嶇峯巒重疊中有盤道為安寬往來

要衝東為太平溝西為榆樹林樹木叢雜盜匪不時出沒每屆青紗縹緲

地方警甲設卡於此以資防範

佛爺山 在縣西北六十五里羣山羅列中峯秀拔相傳山下有佛爺廟

故名

道帽山 在縣西北六十五里高橋村北境為佛爺山之分峯巖石峭立

形如道帽故名

頂旗山 在縣西北四十里區村制二三四各區之間山勢嵯峨峰巒歧

出形如旌旗排空一名丁歧又名丁溪山之極高處有水一溪長二十餘